

Reabilitasaun emerjensias durante dezastre

Ita hatene kalae?

- Dezastre natural, konfliktu, terorizmu, surtu moras infeksiozo ho insidente boot sira seluk (hanesan kolisaun transporte/ xoke) sira ne'e bele hasa'e nesesidade ba reabilitasaun liu husi kanek foun no moras.
- Dezastre hirak ne'e bele kria dezafiu ba ema atu hamosu problema saude ba ema foun no pre-esistente asuntu saude no defisiensia atu asesu ba kuidadu reabilitasaun ne'ebe sira persiza.
- Maske servisu reabilitasaun nian iha nesesidade bo'ot no benefisio klaru iha tempu emerjensias saude nian, dala barak exigencia ba reabilitasaun la-inklui sedu ou la hetan atensaun iha resposta saude durante tempo emerjensia iha evidensia klaru konaba benefisio reabilitasaun nian hodi optimiza rezultadu diak sira hafoin hetan kanek traumatiku, moras hadaet no mos moras la-hadaet. Benefisio hirak ne'e sei nafatin mos durante emerjensias.
- Iha Maio 2023, Assembleia Mundial Saude nian pasa ona rezolusaun ida kona-ba reforsu reabilitasaun iha sistema saude sira. Rezolusaun ne'e sublina importansia husi reabilitasaun iha preparasaun no resposta emerjensia nian.

Saida mak reabilitasaun iha situasaun emerjensia? Tanba sa mak ida-ne'e importante?

- Servisu reabilitasaun sira bele la-hanesan iha mundu tomak, maibe iha emerjensia sira iha fokus ida ba prestasaun servisu esensial sira atu prevene komplikasaun, suporta rekuperasaun, optimiza funsionamentu no hamenus defisiensia sira ne'ebe bele prevene.

Se maka persiza reabilitasaun iha saude emerjensia?

- Ema bele persiza reabilitasaun tanba iha trauma foun ka moras ne'ebe mosu husi emerjensia.
- Ema ho defisiensia fiziku, konesimentu no moras sensoriu ne'ebe existe tia ona, bele persiza reabilitasaun tanba sira-nia kondisaun sai att liu, exemplu hanesan, tanba lakon produktu asistensia esensial sira, kuidadu sira, aimoruk, ka tamba mudansa ambiente nebe sai att liu tanba laiha sira-nia kondisaun. Rabilitasaun no ekipamentu adisional sira bele suporta asesu ba servisu umanitariu no apoio sira seluk ba ema ho defisiensia sira.
- Ema sei kontinua persiza rehabilitasaun ba kondisaun saude ne'ebe la-relasiona ho emerjensia.

Bainhira mak reabilitasaun integra iha resposta emerjensia saude nian?

- Idealmente rehabilitasaun hahu ho possibilidade primeiru hafoin kanek no moras. Persiza reabilitasaun husi resposta emerjensia saude nian.
- Reabilitasaun tenki integra iha nivel kuidadu inklui mos iha ospital, paciente ambulatorio (externu) nivel kuidadu hotu.

Oinsa mak reabilitasaun tenki integra iha resposta emerjensia saude nian?

- Servisu reabilitasaun tenki integra iha planu jestaun risku emerjensia saude nian hotu-hotu inklui preparasaun, reziliensia, resposta no rekuperasaun.
- Profisional reabilitasaun sira tenki inklui iha atividade formasaun emerjensia saude nian. Profisional reabilitasaun sira ne'ebe prepara didiak kompriende sira-nia papel no responsabilidade inklui oinsa atu fo prioridade no fornese intervensaun reabilitasaun iha tempu emerjensia.
- Tanba intervensaun reabilitasaun ba tempu naruk ne'ebe persiza ba kondisaun sira hanesan kanek traumatiku iha kakutak, kanek iha medula-espinhal, quemadura (sunu), amputasaun, no moras kritiku, aumentu iha nesesidade ba servisu reabilitasaun tuir emerjensia saude nian babain sei kontinua ba tempu naruk liu fali nesesidade ba sevisu serujiku ka mediku. Rekursu ba resposta ba reabilitasaun hanesan parte ida husi emerjensia saude nian tenki hetan suporta ba durasaun ne'ebe naruk ba nesesidade tomak maske laos ona tempu emerjensias

Pasu tuir mai...

1. Le'e no fahe informasaun badak kona-ba "Haforsa reabilitasaun iha preparasaun emerjensia saude nian, preparasaun, resposta no reziliensia".



2. Buka-hatene kona ba ita-nia preparsaun ba emerjensia saude lokal, prontu no planu ba resposta no husu se ekipa servisu reabilitasaun sira inklui iha treinamentu lokal ba saude emerjensia.
3. Partisipa iha atividades preparasaun personal, organizasaun no formasaun ba resposta.
4. Espalla liafuan! Hasa'e konsiensia kona ba valor no papel reabilitasaun iha emerjensia saude nian ajuda atu harii momentum ba integrasaun iha emerjensia saude nian iha fatin hotu-hotu.

